



VIR DIEGENE
GEWOOND AAN
DIE BESTE
Forret
SE WYNE

Die



VIR U VRIENDE
VIR U GASTE
EN VIR U
Forret
SE WYNE



WERKERS WEND HUL TOT VOLK Nasionalisme en Sosialisme Bind Stryd Teen Gemeenskaplike Vyand Aan Hulde Aan Kommandant-Generaal

'n Treffende oproep aan die Afrikanervolk om sy onmisbare steun in die taai sosiale stryd teen die kapitalisme, en 'n boodskap van onwrikbare vertroue en gereedheid tot verdere offers aan ons Kommandant-generaal, dr. Hans van Rensburg, was die hoogtepunt van 'n sametrekking van 400 Randse werkers, almal diensdoenende manne-offisiere van die Ossewabrandwag, wat op Saterdag, 1 Julie, in die Mayfair-Kerksaal, Johannesburg, gehou is.

Die Randse offisiere is deur hoofgenl. G. Puren, Hoofgeneraal vir die vyf Randse generaalskappe, byengeroep met die oog op instruksies om die Arbeidsrigting van ons Volksbeweging met verdubbelde kragte in die kortste moontlike tyd te laat seëvier en vir die verdere intensivering van die algemene organisasie op die Rand. Waarnemende Arbeidsleier, dr. P. J. Meyer, was ook teenwoordig en hy het 'n uiteensetting gegee van die stryd van die Afrikanerwerker op die Rand en het veral die werkershelde van ons sosiale volkstryd gehuldig.

Die vergadering is die aand ook bygewoon deur Stellenbosse afgevaardigdes na die Studente-werkerskongres van die A.N.S. wat in Johannesburg gehou is. Dr. D. G. Franzens en mr. W. A. Joubert, hoofleier van die A.N.S., het kortliks die offisiere toegesprek en verduidelik dat hulle na die Rand gekom het om van die werkers te kom leer omdat die A.N.S. nou die tydperk van suiwer teorie ontgroei het en hulle as toekomstige werkers nou reeds in die stryd opgeneem wil word.

Aan die einde van die verrigtinge het genl. Barry Grobler namens die offisierskorps die volgende oproep aan ons volk en die boodskap aan ons Kommandant-generaal voorgelees:

OPROEP VAN RANDSE WERKERS AAN ONS VOLK

Geagte Volksgenote,

Afrikaners, u wat nie gedwing is om terwille van 'n karige bestaan u arbeidskrag teen geringe loon aan vreemdlinge te verhuur nie, u het ons, Afrikanerwerkers van die Witwatersrand, nie altyd verstaan nie. U het dikwels gedink dat ons afgedwaaldes is, dat ons die pad van Suid-Afrika verlaat het. U het of gekyk na die uitslag van party-politieke verkiesings of geluister na die stem van hulle wat ons as rewolusionêre misdadigers uitgeskel het en u kop geskud. Ja, u het meestal gedink dat ons vir ons volk verlore is.

As werkerslede van die Ossewabrandwag is ons vanaand byeen om ons kragte in die stryd teen die kapitalisme saam te snoer. Ons doen dit onder die vaandel van ons eie Afrikanersosialisme. Ons wil vroegtydig voorkom dat u ons, soos baie keer in die verlede, verkeerd sal verstaan en daarom rig ons hierdie boodskap aan u. Ons het mekaar broodnodig in hierdie krisistuur en ons mag nie toelaat dat die republikeinssosiale oorwinning wat nou reeds in ons hande is, deur onderlinge wantroue van ons ontnem word nie.

AFRIKANERS!

In die eerste plaas wil ons u daarop wys dat, hoewel die leiers van ons

arbeidsorganisasies meestal uit vreemdlinge bestaan, ons as Afrikanerwerkers verreweg die grootste persentasie van die ledetal daarvan uitmaak. **Ons steur ons nie aan die tallo teoretiese besluite van die amptenare van ons vakverenigings nie.** Hierdie besluite, waaraan dikwels 'n kommunistiese geur kleef, vertolk nie ons gevoelens nie. Ons kon dit nie voorheen aan u verduidelik het nie, want ons het toe nie 'n eie organisasie besit waardeur ons dit kon doen nie.

In die tweede plaas bring ons die feit onder u aandag dat ons nooit veel gesteure het aan die partypolitieke gedoentes nie. **Ons het geleer dat al die politieke partye elke vyf jaar na ons vry en ydele beloftes maak net om ons stemme te vang.** Daarna word ons weer vergeet en soos klokslag in die steek gelaat. Dit geld vir AL die politieke partye. Kan u ons kwalik neem dat hierdie verkiesings vir ons nie 'n ernstige saak is nie?

Derdens wil ons u net vra om al die geïnterneerde en politieke gevangenes van die afgelope paar jaar van naby te beskou. U sal vind dat ons, die Afrikanerwerkers van die Rand, nie ons lyf weggesteek het toe dit nodig was om offers te bring in die stryd teen die Empire nie.

'N WOORD

In die vierde plaas var ons u ernstig om nie te skrik as ons ons stryd teen die vreemde imperialistiese kapitaliste 'n Afrikanersosialistiese stryd noem nie. Ons sê maar net in ons eie taal dieselfde wat u sê as u van 'n Afrikanernasionale stryd praat. **Moet asseblief nie vir 'n woord skrik nie.** Onder die banier van die sosialisme het ons volk ook baie lewens van dierbare kamerade in die verlede moes offer. In 1913 en 1922 het hulle bloed gevloei vir vryheid, die selfde vryheid wat gewoonlik net met die naam „Republiek" aangedui word.

Volksgenote, ons stryd is nie net 'n nasionale stryd nie maar terselfdertyd 'n sosiale stryd teen die kapitalisme en kommunisme. Ons is gereed vir hierdie stryd, gereed om dit tot die oorwinning toe te voer. Ons vra u, mede-Afrikaners, steun ons in hierdie taai stryd, die stryd van ons volk. Ons het u nodig soos u ons nodig het. Ons reik u vanaand die broederhand. Veronigd kan geen wêreldes mag ons oorwin nie. Nasionalisme is veilig in ons hande. Neem die sosialisme in u veilige hande. Dan sal niemand ons hande weer uitmekaar kan ruk nie.

Elkeen vir almal, almal vir elkeen.
VIR GOD, VOLK EN VADERLAND.

(Vervolg op bls. 2 kol. 2)

ONS HAD 'N KAMERAAD!

In hierdie dae van stryd en offer moet elke man sy plek volstaan. Niemand kan gespaar word nie. En juis in hierdie dae moes ons 'n onvervangbare kameraad deur die dood afstaan. As iemand in die dae wat voorlê onmisbaar was, dan was dit Steve Hofmeyr. Sonder vrees en sonder selfs die sweem van voorbehoud het hy homself, en alles wat hy lief had, in die stryd gewerp.

Daar is min O.B.'s of S.J.'s, wat in die laaste jare voor die houe van die Empire gesleep is, wie se regsverdediging nie, op een of ander tydstip, deur Steve se hande gegaan het nie—hande van kameraadskaplike liefde en onverskrokke doeltreffendheid. En menig jong Afrikaner wat vandag in 'n tronksel of konsentrasiekamp sit, sal voortaan voel dat die vryheid daarbuite armer geword het. Minstens een bemoedigende handdruk, waarna hy uitgesien het, sal die dag van sy loslating nie meer daar wees nie. En nie net bemoedigend nie, maar veral helpend.

Wat ons Beweging aan Steve Hofmeyr verloor het, sal meeste eers na die stryd besef.

Ons neem aan dat sy bestemde uur geslaan het. En ons weet dat g'n sterweling agter die sluier van die alwyse Voorsienigheid kan sien nie. Volgens menslike maatsstawwe, egter, sal meer as een wat Steve se onverskrokke selfloosheid geken en liefgehad het, voel dat op sy grafsteen gebytel kan word: „Hier rus 'n te vroeg Gestorwene."

Mag God gee dat die gees van Steve Hofmeyr voortleef in ons gelede!

HANS VAN RENSBURG.
Junie 1944.

OPROEP

Genle. J. S. du Toit, vrouehoof van Gebied A (Wes-Kaapland), skryf in haar oproep in verband met 8 Augustus as volg: „Waar ons met ons eerste Ossewabrandwagdag nadruk geleë het op die offer wat ons bring, het die Ossewabrandwag-beginsel van blymoedig jou volk te dien, so in ons posgevat dat ons die 8e Aug. nou as 'n dankofferdag beskou. Die gebeurtenisse oor see en die lot van die vroue van diegene wat in kampe sit, laat ons nie meer so ligtelik die woord „offer" gebruik nie. Onder die diepe indruk van die sware lyding en die bloedoffers wat reeds in die afgelope tyd vir 'n ideaal gegee is, is ons bydrae van krag en werk 'n nietige offer. Ek weet die brandwagte en offisiere sal deur die besieling van die vrou, soos in die verlede, met ywer en trou werk. Aan die uitslag twyfel ek nie!"

GEBIED E

In die oproep tot haar vroue, skryf mev. K. Malan van Gebied E (Tvl.): „Ons organisasie roep ons — een en almal! Ons prestasie het getoon wat ons in die verlede verrig het. Die liefde vir ons volk eis dat ons vanjaar meer ywer aan die dag moet lê om van 8 Augustus 'n groter sukses te maak. Onder verdrukking en vervolging gaan ons nie tou opgooi nie, maar eerder met meer moed en geesdrif te werk gaan. Die man verlaat hom op ons, en ons gaan nie teleurstel nie. Waar die vrou die Ossewabrandwag vanjaar weer 'n verjaardagspresident wil gee, laat haar stem deur die hele organisasie klink en almal roep om ons plig te doen teenoor ons Volksbeweging."

ONDERSTEUN ONS ADVERTEERDERS

UIT DIE HARTJIE VAN DIE BOLAND

Wyn SUIWER VAN SMAAK
HEERLIK VAN GEUR
'N GROOT VERSKEIDENHEID



SKRYF VANDAG NOU AAN

Forret

DIE WYNHANDELAARS
BURGSTRAT KAAPSTAD
STEYNSBURG, PRETORIA.

Brief Aan My Demokratiese Vriend

Geagte Volksgenoot,—Jy sê dat jy 'die idee van natuurlike eenheid soos ek dit verlede keer uiteengesit het, baie mooi vind, maar jy wil graag weet hoe ons die huidige warboel verander sal kry—hierdie warboel waar die voet, die hand en die tone almal saam die rol van die verstand vervul. Die huidige demokratiese stelsel waarin elke stemgeregtigde, of hy 'n domkop is of 'n dwaas, die reg het om hom op politieke gebied te laat geld, moet verander word in 'n natuurlike gesagstaat waarin elkeen werk volgens aanleg en begeerte. Maar hoe om die toestand te verander, dit is die vraag. En tog is ek verkeerd as ek so sê. Die vraag is nie hoe die toestand verander moet word nie, want dit is reeds klaar besig om te verander. Die volke van die demokrasie het 'n punt bereik waarin die hele samelewing dreig om ineen te stort as gevolg van die verkeerde en onnatuurlike organisasie-stelsel waaraan hulle onderhewig was. Dit het uitloop op die uiterste rykdom by 'n paar enkelinge aan die een kant en die grootste armoede en onderdrukking aan die ander kant by die massa. Die toestand kan nou nie erger nie, dit kan slegs ontplof in 'n wêreldrewolusie waaruit miskien nog groter warboel en ellende sal kom, of die toestand kan omskep word in 'n natuurlike orde wat die volksbloed weer eweredig sal laat deurvloei tot alle dele van die liggaam. Die kommunisme staan klaar om te aas op die dooie liggaam van die demokratiese volke en as u en ek nie betyds insprink op verhoed dat die laaste druppel lewe uit ons volk gelyeers word nie, gaan ons volk ook die prooi word van daardie Moskouse roofdier.

ENIGE WAPEN

In Italië het Mussolini die toestand in 1922 gered met 'n volksbeweging wat die magtelose staat oorgeneem het deur af te marsjeer op die hoofstad. Hitler het dieselfde reddingswerk in Duitsland gedoen deur sy hele volk te mobiliseer in een groot beweging wat met een magtige slag by die stembus vir goed 'n einde gemaak het aan die verrotte stelsel. En 'n paar jaar later was genl. Franco gedwonge om met wapengeweld sy land te red uit die hande van die kommunisme. Enige wapen kan dus slaag namate die omstandighede dit vereis, maar die een groot vereiste is dat die HELE volk mobiliseer moet word in een magtige beweging. Ons gaan dus nou nie twis oor watter wapen die beste sal wees nie, ons gaan eers ons volk mobiliseer tot 'n enkele mag wat oral en op enige manier kan slaan. Ons gaan ons volk organiseer soos die natuurlike liggaam van die mens. Ons gaan alle kragte inskakel onder een gesag. Ons arbeiders, ons kultuurmense, ons kerkmense, een en almal moet ons saamskakel met die politieke organisasie om soos een sterk liggaam op alle plekke van bo tot onder tegelyk te slaan.

Daardie politieke organisasie moet 'n volksorganisasie wees net soos ons kultuurliggame en arbeidsverenigings volksorganisasies moet wees as hulle van enige betekenis wil wees.

Moet ons dan ons partye omskep in so 'n organisasie? vra u.

Dit maak nie saak wie en wat ons tot so 'n volksbeweging omskep nie, solank dit net prakties moontlik is om ons doel te bereik. Maar daaroor later.

POOL WAARSKU TEEN BOLSJEWISTE

Die vorsitter van die Poolse Nasionale Verbond in Amerika het onlangs by geleentheid van 'n vergadering waarop 5,000,000 Poolse Amerikaners verteenwoordig was, verklaar dat Rusland Pole wil vernietig onder die voorwendsel dat hy die Pole teen 'n ondemokratiese regeringsvorm wil beskerm. Hy het daaraan bygevoeg dat sekere Amerikaners bereid is om die Pole, die Balkan-volkere en ander demokratiese volke in die sfeer van 'n diktatoriale moonheid te stoot. „Hulle skyn te vergeet dat dit betekenis het hulle gedwing moet word om onder 'n ondemokratiese regering met sy gruwelike kollektivistiese eenpartystelsel, wat deur die polisie doeltreffender as die gevreesde Gestapo beheer word, te leef,” het hy gesê.

WERKERS MISLEI I.S. GELYKSTELLING

Hoe blanke werkers van die noorde-lyke provinsies deur die kommuniste mislei word ten opsigte van hul gelykstellingsbeleid, blyk uit wat gebeur het tydens die onlangse kongres in Kaapstad van die S.A. Trades and Labour Council. By dié geleentheid is 'n dans vir die afgevaardigdes gereël deur plaaslike kommuniste. Aan hulle is gesê dat die kleurlyn gehandhaaf word en dat geen nie-blankes op die dans toegelaat word nie. So was dit ook en net blanke afgevaardigdes het deelgeneem. Hierdie mense verkeer vandag onder die indruk dat in Kaapstad geen kleurgelykheid bestaan nie. Nogtans verskyn daar dikwels advertensies in The Guardian van danspartye met die uitdruklike aankondiging dat daar geen kleurgrens sal wees nie. So bevat The Guardian van 7 Julie 1943 (bladsy 6) 'n advertensie van 'n „Moonlight Dance” met die volgende aankondiging: „No Colour Bar”. Op dieselfde bladsy is 'n ander advertensie van 'n funksie van die „Young Communist League” wat afsluit met: „No Colour Bar!” Dieselfde vereniging kom op 8 Julie ll. met 'n advertensie waarin die volgende woorde die grootste gedruk staan: „Down with the Colour Bar!”

STRYD GEWEN MAAR NIE BEÏNDIG

Genl. C. L. de Jager, Gebiedsleier van Gebied C, het op 1 Julie 'n vergadering toegesprek van die kommando Jagersfontein-Fauresmith. Die vergadering is met gebed geopen deur hfkomdt. Verster, terwyl genl. Lubbe die Generaal verwelkom het. Genl. De Jager het 'n mooi uiteensetting gegee van die doel en strewe van die Beweging, en gesê dat die stryd reeds gewen is, maar nog lank nie beëindig nie. Die Ossewabrandwag, het hy gesê, is soos die rivierbedding wat die rigting aandui van die volkstroom en nooit verander nie.

Die dames het koek en tee verskaf ter stywing van hul O.B.-dagfonds op 8 Augustus.—(Ingestuurr.)

AMPTENARE GESTEL VOOR KEUSE

Vooraanstaande amptenare van die staat het voorverlede week deelgeneem aan die verrigtinge van die kongres van Sowjet-vriende in Johannesburg. Hierdie kongres wat nou 'n permanente organisasie geword het, se doel is om Suid-Afrika ryp te maak vir kommunisme en dan aan Rusland uit te lewer. Nogtans word staatsamptenare toegelaat om hulself daarmee te ver-censelwig. Dit word meer en meer duidelik dat die stryd sowel buite as binne Suid-Afrika die vorm aanneem van 'n botsing tussen die idees van Moskou en die idees van die Christelike nasionale en sosiale rigting waarvan die Ossewabrandwag die draer in ons land is. As amptenare toegelaat word om hul gewig by die vyand in te werp, stel dit andersdenkende amptenare voor die keuse om hul gewig by die Ossewabrandwag in te gooi. Die Ossewabrandwag beskou dit as sy plig om teen die kommunistiese indringing op te tree, waar hy ook al sy kop insteek, en as die regering toelaat dat amptenare blootgestel word aan kommunistiese invloed, sal die Ossewabrandwag daardie amptenare in beskerming moet neem.

ERKEN DEMOKRATIESE ONMAG

Min F. C. Sturrock het verlede week die volgende bekentenis voor 'n aantal spoorwegmanne ten opsigte van demokratiese onmag gedoen: „Telkemale wanneer die regering toestande vir die volk wil verbeter, kom hy teen gevestigde belange te staan. Beheer oor voedsel beteken minder wins vir iemand. Bestaansbeveiliging beteken hoër belasting vir sommige mense. Meer huise beteken waardevermindering van die eiendomsmark. Net wanneer dit nodig word om iets te doen om beter toestande te bring, word magtige belange geraak.”

ONDERSTEUN ONS ADVERTEERDERS.

ONDERSTEUN!!!!

Poskantoor Haarkappers
Kerkstraat 173 - - - - - PRETORIA
vir
DAMES en MANS
Elensaar: NEEF HENDRIK VAN DER WAL

EIERS VOLOP

As u JAMOL Lêmeel gebruik.
Hoenders is gesond en lewendig
Oortuig uself.

VOEG U EIE MIELIEMEEL BY.
23/- per sak van 150 pond.

Kontant of K.B.A.

JOHAN MOLLER

Foon 9. AMERSFOORT. Posbus 27.

Die

GOEIE OUE TYD!

KOM

EN HULLE KOM MET
GEWELD!

Geselskap:

PIERRE DE WET

ANNA NEETHLING-POHL
PAULA STYGER
GERT VAN DEN BERGH
JAN CRONJÉ

Sien asseblief plaaslike aankondigings.

'N JONG AFRIKANER SKRYF AS VOLG:

„Al my suksesse skryf ek toe aan die eerste klas lesings wat u Kollege aan die verskillende Helpmekeer-studente verskaf. Ook help die dosente mens baie vorentoe op die pad van sukses.”

MEER AS 200 KURSUSSE

Die Helpmekeer is die enigste suiwer opvoedkundige Afrikaanse Korrespondensie-Kollege in Suid-Afrika.

Pos die Koepon nog vandag vir gratis besonderhede asook vir die pamflet: „'N BOODSKAP AAN U.”

DIE BESTURENDE DIREKTEUR,
Helpmekeer-Korrespondensie-Kollege,
Posbus 3512, Voortrekkergebou,
JOHANNESBURG.

Stuur my asseblief besonderhede omtrent u Korrespondensie-Kursusse.

Ek stel belang in

Naam

Adres

(O.B., 19 Julie 1944.)

Besturende Direkteur: Dr. H. G. Luttwig, M.A. (S.-A.), D.Litt. et Phil. (Leiden).

HELPMEEKAAR-KORRESPONDENSIE-KOLLEGE

VOORTREKKERGERBOU 310, HOEKSTRAAT 18,
JOHANNESBURG

POSBUS 3512

FOON 22-3512

